

Cjelodnevna škola - popodnevni boravak u školama Tirola Ganztagschulen - Schulische Tagesbetreuung in Tirol

Dragi roditelji i staratelji!

Zbrinjavanje djece i mladih u školi i u popodnevnim satima je centralna tema u našem pluralnom društvu. Pokrajina Tirol i Direkcija za obrazovanje Tirola postavile su si za cilj odgovoriti na različite potrebe djece i roditelja, orijentirajući se pri tome ka cjelodnevnim vidovima školovanja i popodnevnog boravka.

Institucije pokrajine i obrazovanja (*das Land Tirol und die Bildungsdirektion für Tirol*) zalažu se za kvalitetne oblike zbrinjavanja i podrške u školi, u kojima se motivirani i angažovani mladi ljudi i djeca mogu uspješno razvijati.

Popodnevni boravak u školama pokazao se kao jako dobar oblik individualne podrške učenicima u učenju i izradi domaćih zadataka, s obzirom na različite talente i potrebe, kao i u kreiranju slobodnog vremena. Produbljivanje znanja njemačkog jezika i poticaj u pružanju ravnopravnih šansi za budućnost - samo su jedne od mnogih pozitivnih aspekata popodnevnog boravka u školama.

Djeca Tirola će u svojoj školi, kao sigurnom okruženju, biti data na povjerenje i brigu pedagogima. Ciljnim radom potiče se razvoj talenata kod djece, čime se otvaraju perspektive i šanse za budućnost. U slučaju da Vaše dijete iduće godine treba **popdnevni boravak u školi**, imate mogućnost da **predate prijavu sada za narednu 2023./2024.** školsku godinu.

Herzliche Grüße,
LRin MMag.a Dr.in Cornelia Hagele
Präsidentin der Bildungsdirektion für Tirol

Informativni letak

Merkbaltt

Prijava

U slučaju da kao roditelji tj. staratelji želite prijaviti svoje dijete za popodnevni boravak u školi, molimo da predate jednu prijavu po djetetu u direkciji škole, najkasnije **do petka 12.05.2023.** godine. Organizacija grupe zavisi od broja prijava.

Važno: kod prijave **ne morate navoditi koliko dana i kojim danima** u sedmici dijete treba posjećivati popodnevni boravak u školi. Morate samo naznačiti da li ćete za Vaše dijete **minimalno jednom sedmično** trebati zbrinjavanje u **popodnevnom boravku do 16:00 sati**.

U kom slučaju će popodnevni boravak biti organizovan?

Popodnevni boravak u školi mora biti organiziran kada se **prijavi minimalno 15 učenika, neovisno od toga za koji dan boravka i na koliko dana u sedmici** su djeca prijavljena. U vanrednom slučaju i uz odobrenje mjesnih vlasti, moguće je i za manji broj učenika ostvariti ovaj vid boravka djece u školi.

Predviđene aktivnosti

Popodnevni boravak u školi sadrži vrijeme predviđeno **za ručak, učenje i slobodno vrijeme**. U toku učenja i izrade domaćih zadatka, nadzor nad djecom ima nastavno osoblje. U vrijeme ručka i slobodnih aktivnosti učenici mogu biti pod nadzorom istih, ili pak pedagoga i odgajatelja koji ne predaju u nastavi. Na osnovu preporuke Direkcije za obrazovanje u Tirolu (*Bildungsdirektion für Tirol*), djeca ne treba da imaju obaveze vezane za učenje nakon 16:00 sati. Time se želi omogućiti da roditelji mogu **fleksibilno preuzeti djecu nakon 16:00 časova**. Ako roditelji moraju preuzeti učenika iz boravka, prije kraja radnog vremena, moraju lično/osobno doći po dijete.

Cijena

Mjesne vlasti (*Gemeinde als Schulerhalter*) određuju **visinu cijene zbrinjavanja i ishrane**. Za vrijeme učenja i izrade domaćih zadataka ne plaća se nikakva nadoknada. Maksimalna granica predviđa u cijeni pokrivanje osnovnih izdataka. Taj iznos se može reducirati, ako učenici provode sedmično samo pojedine dane u boravku. Tom iznosu se dodaju troškovi ishrane (cijena ručka umnožena brojem dana u boravku). Mjesne vlasti mogu odustati od naplate cjelokupnog ili djelimičnog iznosa, u odnosu na primanja, imovinsko stanje ili familijarne konstalacije.

Odjava od popodnevnog boravka u školi **je moguća samo na kraju semestra ili na kraju školske godine**. Detaljnije informacije: www.tirol.gv.at/schulische-tagesbetreuung